



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Capvt XXVI. Qui conveniat animam Christo patienti devotam, in ejus mysterij admiratione, eique cognatis affectibus, interdum exerceri.

[urn:nbn:de:hbz:466:1-47123](#)

CAPVT XXVI.

*Qui conveniat animam Christo patienti
devotam, in ejus mysterij admiratione, eiq;
cognatis affectibus, interdum
exerceri.*

§. I.

Actus Admirationis.

Si qua unquam res admiratione, immo stupore & ecstasi digna fuit, ea certè est, Christus patiens, Christus nati-
vus, & passione ac morte suâ perficiens opus redemptio-
nis nostræ. Hoc enim opus est, ad quod (vel ipso Paulo
præunte) transferre licet ea Habacuc Prophetæ verba: *Att: 13.*
Apicite in gentibus, & videte; admiramini, & obstupecite:
*quia opus factum est in diebus vestris, quod nemo credet cum
narrabitur.* Quod enim, amabo, est opus illud ad eò admiratio-
ne & stupore dignum; nisi quod intuemur DEI filium,
Dominum Majestatis, & regem gloriae, pro vilissimis man-
cipijs, pro servis nequam, & infensissimis inimicis, Tertul-
liani verbo, *in tantum humilitatis exhaustum;* ut ab ijs ipsis, *DeCar:Chr:*
quorum amore huc descenderit, vincula sustineat & oppro-
bria, dolores & ignominiam, alapas & sputa, flagella & co-
ronam spineam, clavos & crucem, vulnera & mortem.
*Opus, quod nemo credet, cum narrabitur: quia si humanis
rationibus ista pensentur, & nisi vis major intellectum sibi
subjiciat; quam rerum istarum vel suspicio longè est ab hu-
mana mente, tam procul est earum fides à corde.*

Enimvero (si rem, quatenus oportet, perpendimus)
tanta est, tamq; incredibilis, ejus operis admirabilitas, ut
omnem transcendat & exsuperet etiam Angelicam intelli-

Eee 2

gen-

gentiam. Ut enim hoc dicam ejusdam exempli gradum. Si Deus supremum Angelorum, aut unum quemvis exorum numero, eà gratia destinasset in terras, ut sub assumpcio qualitercunq; hominis figurâ atque habitu, pro salute nostra procuranda, mortalium omnium injuriis ac ludibriis obijceretur: obstupesceret, credo, ad factum insolens aliquia cœlestis militie multitudo; &, nisi quod in illo belo statu, Dei voluntatem submissè reverentur in omnibus, tamen si facti naturam species, æmulatione aliquâ scilicet, & nonnullo quoq; indignationis sensu tangerentur; quid infontem pro reo, sanctissimum pro impio, beatissimum pro infelicissimo, sublimem prorsus cœlestemq; naturam, pro terræ filio ac luto vili, ei subijceret indignitati. Quo igitur modo eos nunc affici oporteat, cum communem suum totiusq; universi procreatorem, Patrem, Dominum, Principem, à cuius immensa dignitate, sublimitate, excellentia sese infinito distare intelligunt, contuentur verum vilissimorum ingratissimorumq; gratia, in eam dolorum, opprobriorum, ærumnarum abyssum esse devolutum.

Hujus adeo rei mysterium, tam ab omni mente, & quamvis acutâ ac perspicaci intelligendi vi remotum atque subductum est; ut sublimissimi quique Seraphinorum illud suspectent attoniti, & id, cuius modum & rationem satis capere & exprimere nequeant, solâ quodammodo admittitione venerentur,

Isai. 6.

Huc etenim illud referri potest, quod (teste S. Hieronymo) quidâ Latinorum Interpretum, per duo Seraphim (quâ apud Isaiam clamabant alter ad alterum) virtus & novum instrumentum dicunt adumbrari; & mirari ad invicem; quid DEUS Sabaorb in forma DEI Patri positus, formam servi accepit, & humiliaverit se usque ad mortem, mortem autem crucis.

Cui cogitationi non absurdè hanc adjunxerimus: Quemadmodum scilicet cœlestes illi Seraphini, divina na-

tute infinitatem, ineffabilēmq; eminentiam contuentes; cū se ex immenso illo divinarum laudum pelago, cui immersi sunt, ut ita loquar, evolvere non valeant, aut id etiā, quod de illo capiunt, liberē profari; assiduo clamore suum illud solenne congerminant: *Sanctus, sanctus, sanctus;* unā illā voce omnem complexi divinæ natura absolutionem: ita cū ad ipsum Christum conversi (cujus gloriā Joanne *Joann. 12.* teste, eo loco vidit Isaías) ejus in forma servi humilitatem, abjectionem, exinanitionem contemplantur, & quod tandem nostrā vermium causā summa illa maiestas, & ad quam indigna, quamq; acerba, idq; solā suā bonitatis atque amoris incitatione, descenderit: non habent, opinor, quo portentum illud ineffabilis benignitatis celebrant ac prosequantur acroamate, nisi Amoris nomen iterent, iterentq; assidue, ad invicem exclamantes: *ō amor! ó amor! ó amor!* eāq; congerminatione magnam mysterij admirabilitatem, indicantes.

Quod ipsum subinde etiā in hac mortali vita usuvenire legimus animabus sanctis, in penitiorē ejus mysterij contemplationē ingressis. Quas inter B. Magdalena de Pazzis; cū aliquando immensam Christi pro nobis Crucifixi charitatem profundius commentata esset; summā illius *P. I. ſit. c. 2.* admiratione sic affecta est, ut sui vix potens, cum Crucifixi effigie, omnia adiūcum hortiq; spatia ultero citrōq; concursans, nihil præterquam exclamaret: *ō amor! ó amor! ó amor!* atque ab obvijs ~~sodalibus~~, ut is amor ametur, contendere.

Subinde igitur simili aliquā ratione, ad aspectum Iesu crucifixi exerceri poterimus; ex ejus mysterij attentiori consideratione, Amorem, Amorem, Amorem congerimantes. Quae quidem, tametsi id unum agas (uti hīc etiam observat P. Rodriguez) optima erit & multūm utilis oratio. *P. 2. m. 6. f.*

Possumus etiā, velut pro loci compositione, figura-

c.

re animo, tanquam si ad Christi crucem in monte Calvario, cum Dei Matre & dilecto discipulo, adstems; eorumque proinde habitum affectumq; observare, quos dubium nos.

L. 13. qui de Cassia, ad illa verba S. Joannis: *Stabant autem juxta crux passionis.*

*JESU, &c. Sed Mater ejus (inquit) mente plua quam oculi ferebatur in illum. Et quanquam pressa doloribus, perfusa cordie affectu contemplabatur illum, atque presentia & fama mysteria ejus, cum illuminandus esset mundus in splendorib[us] ejus. Hæc illa spectabat videlicet, cum ea animi spectaculo perculsi admiratione, quam utique adferre atque intendere consueverit, rei magna atque insolentis praesens contemplatio. Neque diversus erat cœlestis illius aquila, Joannis inquam, eadem mysteria profundâ secum meditatione cœvolventis, affectus. Cum ille fortassis retractaret animo, particulatimq; expenderet, quod compendio Christum N[ost]ro codemo dixisse meminerat: *Sic DEUS dilexit mundum, & filium suum unigenitum daret.* Ubi vocula sic admirationi servit, & multas gravesq; causas suggestit admirationis.*

Joann. 3.

Sic enim, sic DEUS dilexit mundum, sic, inquam, hoc est, usque ad summam & inauditam & incredibilem illij sui unigeniti depressionem & exinanitionem. Sic, sic, hoc est, usque ad vincula, sputa, fannas, flagella; usque ad ludibrium coronæ spineæ; usque ad crucis patibulum; usque ad infamem & turpissimam atque acerbissimam necem.

Sic, sic, sic, DEUS dilexit mundum. Ut jam sit, quod rursum exclamare libeat: ô amor! ô amor! ô amor!

O amor, qui de sinu Patris quodammodo detrahis unigenitum! ô amor, qui (secundum hominem loquor) Da sapientiam infatuas! ô amor, qui infirmum facis, omnipotentem! Iterum hæc dicam: si contra DEUM fortis fuisti, ô amor,

quando

quanto magis contra homines prævalebis? Et tamen cor nostrum caute durius, non liquefit ad hoc incendium; & cum tot causas DEUM amandi habemus, aliâ qualibet flammatâ capi faciles, etiam fatuos ignes sequimur; & (quod novâ rursum admiratione dignum est) ad ejus amorem, cui uniti amando facti sumus, præduri ac flecti indociles, & tanquam sine sensu perstamus. Ut meritò dolens quisq; exclamet cum S. Bonaventura: Undiq; me circumdat amor; *P.z. Stim. c.*
z.

§. 2.

Admirationis fructus.

AT neque exercitationem hujusmodi rem otiosam ac sterilem esse putes, aut fructu vacare temporis moram, quam ei tractandæ fortasse deputaveris: quin potius id opus existima, plenum esse non modò solatij, sed etiam compendij spiritualis. Siquidem in primis ea divinæ bonitatis admiratio, egregia quædam laus Dei est; quia non admiratur, nisi cuius summam eminentiam agnoscimus, ipsaq; nostrâ admiratione contestamur. Ut quod apud Agellium Musonius dixit Philosophus: *magnam laudem non abesse ab admintione*; id convertere nobis liceat, & dicere: admirationem à magna laude non abesse; immo ipsam, magnam laudem esse. Etenim si nulla laus hac illustrior esse potest, quam cum rem quampiam sic commendamus, ut dicamus esse prorsus admirabilem: ipsa profectò admiratio, magna laus erit; cum actus ipse admirandi, tacita quidem, sed efficacissima sit professio admirabilitatis.

Neque fallor, opinor, si dixerim: magnam eam laudem, quâ beatæ mentes divinam gloriam intermissione conatu concelebrant; in asidua ista (quam paulò antè memorabamus) sempiternæ naturæ, & incommutabilis pulchritudinis admiratione, magna ex parte consistere. *Hæc namq; beata vido*

406

Pars III. Interior anime occupatio

*visio (inquit in eam rem B. Laurentius Justinianus) & visio
nus admiratio, vita eterna est.*

*De discipl.
monast.*

*Super Ma-
gnif. t. 9.*

L. 3. c. 39.

Psal. 34.

Rursum: ea ipsa divina bonitatis, in Unigeniti prae-
sertim passione ac morte refulcentis, admiratio, confelix
amorem ejusdem bonitatis ingenerat, aut sancte conceptum,
partumque fovet, alit, intendit. Quid enim factu pro-
vius, quam ut inflammati, ejus amore rapiamur; cuius pra-
stantem atque incredibilem bonitatem, cum admiratione,
contemplamur? Nam, ut de Beatis, claro divinitatis con-
spectu fruentibus, ait quidam autor inter opera S. Augustini:

Adminintes diligunt, & diligentes admiruntur; uiuo-

tinguibiliter per admirationem ardeat dilectio, & suavitate

dilectione ferueat admiratio.

Atque ex his porrò & isti subnascentur affectus. Primum suavis quidam & intimus exultantis animi sensus;
dum sese conspicit tantoperè à Deo amatum, & tanto pro-
tio à Christo Iesu redemptum. Sic enim & S. Bonaventura parte i. Stim: cap: 4. fines varios exercitationis circa De-
mini passionem exponens, considerationi ad compatienciam,
subjungit considerationem ad admirandum, & huic con-
siderationem ad exultandum. Ut etiam Henricus Harphius

in sua Theologia mystica, magnitudini admirationis hoc

nequit magnitudinem exultationis.

Hinc etenim homini completer mens sancta dulcede-
ne; neque mente tantum, sed quasi omnibus etiam mem-
bris sui corporis, exultat in Deum amore sui crucifixum;
exclamans cum Rege Propheta: *Omnia offera mea dicent: De-
mine, quis simili tibi?* Quae quidem est simul admirans
& admirando laudantis; simul (quod a junt) medullitus in-
timisq; sensibus exultantis, oratio.

Ex quo etiam existunt festivæ voces, gratiæ animi
amantissimum ac beneficentissimum Redemptorem indica-
quales vel illæ sunt in Apocalypsi, Sanctorum Deo & Agno

qui

qui occisus est gratulantium, & omnem suam felicitatem eis acceptam referentium: vel ejusdem Prophetæ in psalmis suis; ubi modò se ipsum, & omnia interiora sua concitare ad benedicendum Deo, qui omnibus suis iniurias propitiatus sit, vitam suam de interitu redemerit, & misericordiam se coronarit ac cinxerit; modò alios advocat ad beneficiorum ab illo acceptorum conscientiam: *Venite (inquietens) Psal. 65. audite, & narrabo omnes qui timetis DEUM; quanta fecit Dominus animæ meæ; modò quasi ad id ipse per se se non sufficiat, provocat res creatas omnes, ut DEUM quæ possunt arte laudent, sibiq; ad ei pro tanris præmeritis gratulandū, quasi vicariam aut subsidiariam operam præstent.*

Hic est enim deniq; extremus ac potissimum istius exercitationis fructus: incensa nimur atque insatiabilis, in animo tantam Christi charitatem admirantis ac deamantis, ipsum amantissimum Salvatorem, quibus poterit modis, laudandi extollendiq; cupiditas, ejusq; dulcem misericordiam, non in ista tantum mortali vita, sed multò maximè in beata illa & immortali in æternum celebrandi. Cūmq; huic muneri, pro eo ac vellet, implendo, quidquid conetur, tamen imparem se sentiat; circumspicit omnia, num quid alicunde subsidij se se offerat; invitātq; proinde in ejus officijs societatem cœlum & terram, nec Angelos modò hominesve, sed res universas, etiam insensibiles & inanimas; ut fiat denique quod scriptum est: *Et omnem creaturam que in calo est, & super terram, & que sunt in mari, & que in eo; Apoc. 5. omnes audiunt dicentes: Sedenit in throno & Agno benedictio & honor, & gloria, & potestas in secula seculorum.*

De hoc porrò affectu divina laudis, uti fructu quodam admirationi agnato, ad quandam materiae præformationē, & quasi in antecessum hæc posuimus. Alioqui per se digna res est, cui pleniū retractandæ ac regustandæ, novo hinc sumpto exordio, caput proprium attribuamus.

F f f

CAPVT